

Upgrade Music ta yama danki pa e sosten



ORANJESTAD - Mas y mas e hobennan di Upgrade Music ta keda cosecha exito tur caminda cu nan bay. Na e momentonan aki Upgrade Music ta e banda cu mas tanto ta wordo comenta pa e variacion di musica cu nan ta presenta. Upgrade Music siendo un banda hoben a demostra cu no ta importa ki genero di musica bo presen-

ta nan dilanti, nan ta domina esaki. Upgrade Music tabata tin e honor pa compaña Minister Otmar Oduber cu a hiba e nomber artistico "Don Otmar" durante e festival di Tumba conhuntamente cu 2 otro cantante, y durante e festival aki Upgrade Music a demostra cu hasta Tumba nan por toca siendo un banda hoben.

Diasabra ultimo durante e Festival di Calypso & Roadmarch contest 2012, Upgrade Music tabata tin e honor pa compaña 4 cantante cu ta, Mighty 101, Nigel D, Prince Freddy y Biggy Boy mes. Akinan Upgrade Music a sa di toca Calypso y e Roadmarch y cosechando hopi exito ariba e escenario. Upgrade Music a konkista varios premio durante e festival aki. E premionan ta lo siguiente:

Rookie of the Year: Jonathan "Biggy Boy" Thiel cu a dedica su premio na Prince Freddy cu a sa di haci un cos ariba escenario durante su presentacion cu su cantica Rastaman Jam. 3rd Lugar: Calypso "Rubiano ta come Rubiano", 4 Lugar: Roadmarch "Work Out". Upgrade Music kier a yama danki na tur nos sponsor-



nan cu ta haci tur cos posibel pa Upgrade Music ta ariba escenario of ariba caminda. Un danki na : Romar Trading cu su productonan Cerbes Heineken y Gatorade, Damox NV "Logo Autentico di Aruba, Elite Productions, Carlmichael Bikker, mayornan y tur esnan cu den background ta yuda Upgrade Music.

Alabes Upgrade Music kier a yama un danki hopi grandi di na TOB Carnaval Group pa a sa di pone nan confiansa den e banda hoben aki pa e diferente paradanan pa asina deleita nan participantenan. Upgrade kier a invita Aruba completo pa like nos ariba nos Facebook pa asina eyriba por haya tur informacion eyriba. □